

KHOMIŠENE YA MPSHAFATŠO YA MOLAO: LETLAKALA LA TSHEDIMOŠO LA 35: PROTŠEKE YA 144: DINYAKIŠIŠO MABAPI LE MOLAO WA LENYALO LE TEE: DIPOTŠIŠO

A. Dipotšišo mabapi le molao wa lenyalo tee goba lenyalo le sego le tee goba kamano ya balekani bao ba sego ba nyalana

1.46 Go ya mafelelong a bo-1990 SALRC e ile ya dira gore go be le kwano ka ga taba kopanyo ya molao wa lenyalo ka ge go be go hlokwa ke karolwana ya 30 le 31 tša Molao wa Ditokelo. Ge e le gore ditokelo tša motheo di be di nyaka melao ye e aroganego ka nako yeo, ke eng seo baarabi ba akanyago gore se fetogile mo nakong ye itšego?¹

1.47 Naa Afrika Borwa e swanetše go tšwela pele ka mehuta ye e fapanago ya manyalo?

1.48 Ke mehola efe le ditlamorago tša molaotee goba wo o kopantšwego woo o fanago ka sehlopha se se kopantšwego sa dinyakwa tša manyalo?

1.49 Naa ke mehola efe le ditlamorago tša molao wa kakaretšo wo o nago le dinyakwa tša go fapana tša manyalo ka moka?

1.50 Ge e le gore molao wo o kopanetšwego goba wo o sa amogelwego o amogelwa, molao o swanetše go akaretša fela manyalo le molao wo o fapanego wa dikamano tše di sa nyalanago di amogelwe, goba molao o swanetše go akaretša manyalo ka bobedi le dikamano tše di sa nyalanago? Naa ke mehola efe le ditlamorago tša dikgetho tše?

1.51 Ge e le gore molao wo o kopanetšwego goba wa kakaretšo o a amogelwa, o swanetše go ikemišetša fela go dinyakwa tša manyalo a kgonthe le/goba dikamano tša baratani bao ba nyalanago, goba o swanetše go akaretša gape ditlamorago tša dikamano tše bjalo tša sebaka sa nako ya bona le ge ba fetša? Naa mehola le ditlamorago tša dikgetho ye nngwe le ye nngwe ke efe?

B. Dipotšišo mabapi le tlhalošo ya lenyalo

2.3 Molawana wo o šišinywago o ka hlaloša bjang lenyalo?

2.4 Kamogelo ya Molao wa Manyalo a Setšo e dumelela manyalo a segadikane le Molaohlangwa wa Manyalo a Semosleme o dira go swana bakeng sa manyalo a segadikane. Naa molao wo o holofelwago o swanetše go dira tlhagišo ya manyalo a segadikane, gomme ge go le bjalo, bjang?

2.5 Ke eng se se bontšhago gore kamano ya balekani bao ba sa nyalanago e ka dumelela balekani go abelana ditšhireletšo tša semolao go ya ka molao wa o ka molao wo o akaretšago?

C. Dipotšišo mabapi le tumelelo le bokgoni bja go nyala

¹ Dinomoro tša temana di laetša dinomoro tša temana ya mabapi ka go Letlakala la Tshedimošo la 35.

2.17 Naa teko ya molaosetlwaedi le dinyakwa tša molao tšeo di dirišwago go laetša bokgoni bja go nyala bjo bo hlokago gore baamegi ka bobedi ba be gona ge go phethagatšwa lenyalo e lekane goba go na le nyakego ya go mpshafatša molao wa Afrika Borwa?

2.18 Naa baarabi ba akanya gore boemedi bo swanetše go dumelelwa go emela moamegi lenyalong?

2.19 Go na le thekgo ya magato a molao yeo e ka hlokomelago boikemo le tumelelo ya go tšea diphetho ka ga lenyalo.

2.20 Naa molao wo o holofelwago o hloka kudukudu gore baamegi ba swanetše go ba le bokgoni bja monagano bja go tsena lenyalong bjalo ka ge Molao wa Lenyalo wa Australia o dira.?

2.21 Naa tumelelo ya mosadi wa mathomo e swanetše go nyakega ge monna a rata go phetha lenyalo la bobedi.

D. Dipotšišo mabapi le mengwaga ya fasefase ya lenyalo

2.28 Naa bakgathatema ba dumela gore go na le diphapano magareng ga Molao wa Lenyalo, Temogo ya Manyalo a Setšo le Molao wa Kamano ya Semolao ka gona mengwaga ya fasefase e swanetše go rarollwa.

2.29 Naa baarabi ba dumela gore Afrika Borwa e na le mošomo wa go obamela didirišwa tša boditšhabatšhaba le tša dileteng tša go bea maemo a go swana mengwaga ya fasefase ya lenyalo la mengwaga ye 18 ka ntle le maarogi afe goba ofe bakeng sa bao ba amegago ke batswadi, dikgorotsheko, goba mohlankedi ofe goba ofe go thibela gore bana ba nyala/nyalwe goba ba tsenele dikamano tša bolekane a sego a ba nyala/nyalwa?

E. Dipotšišo mabapi le go fa tsebišo goba dinyakwa tša laesense ya lenyalo

2.32 Naa baarabi ba dumelelana le tsebišoleswa ya go fa tsebišo le go hlagiša ditifikeiti tša manyalo ka Afrika Borwa?

2.33 Naa baarabi ba nagana gore go fa tsebišo ya goba go hlagiša setifikeiti sa lenyalo go tla ba le seabe sa go hlapetša dikgahlego tša mmušo gore manyalo a phethagatšwe?

2.34 Ge e le gore karabo ke ya go dumela, ke tshedimošo efe yeo e e swanetšego go ba gona ka tsebišong?

F. Dipotšišo mabapi le tema ye e kgathwago ke bahlankedi ba lenyalo

2.41 Re lemoga gore Molao wa Lenyalo le molao wo mongwe e laetša go bahlankedi le bahlankedi ba mmušo mabapi le phethagatšo ya manyalo. Naa baarabi ba thekga bahlankedi ba go nyadiša le bahlankedi ba ba bangwe ba mmušo go kgatha tema mo kanong le ngwadišong ya mekgwa ka moka ya manyalo? Ge e le gore ga go bjalo, naa baarabi ba šišinya tše dingwe?

2.42 Ge e le gore baarabi ba thekga go kgatha tema ga bahlankedi ba lenyalo ke eng se seo hlokagalago bakeng sa go kgatha tema ga bona?

2.43 Ge e le gore bahlankedi ba lenyalo ba swanetše go kgatha tema ka kanong ya manyalo mošomo wa bona o swanetše go ba ofe: go netefatša lenyalo, go thuša ka go ngwadišo ya lenyalo goba selo se sengwe le se sengwe go fa bohlatse bja lenyalo le mabaka a semmušo?

G. Dipotšišo mabapi le ngwadišo ya lenyalo

2.63 Re hlokometše gore DHA e thekga ngwadišo ya manyalo a ka moka. Naa baarabi/bafetodi ba thekga ngwadišo ya manyalo?

2.64 Naa go šitwa ke go ngwadiša go ka ama netefatšo ya lenyalo?

2.65 Ge e le gore lenyalo le sa ntše le tla netefala ntle le go ngwadiša, gona le mekgwa ye mengwe ya go netefatša go ba gona ga lenyalo? Ditsela tšeo tše dingwe e tla ba dife?

2.66 Naa go swanetše go ba bohlokwa go baamegi ka bobedi lenyalong go ngwadiša lenyalo goba moamegi o tee o swanetše go kgona go ngwadiša? Ge e le gore moamegi o tee ka ngwadiša lenyalo, ke tshedimošo efe le ditshepedišo tšeo di hlokagalago go thibela ngwadišo ya manyalo a bofora?

2.67 Naa baamegi ba ka kgona go ngwadiša manyalo ka nako efe kapa efe ka morago ga go fihlelela sephetho sa bona? Naa e ka ba mehola efe le ditlamorago tša go dumelela ngwadišo neng kapa neng pele ga go fela ga lenyalo?

2.69 Naa dikamano tša balekani ba sego ba nyalana di swanetše go ngwadišwa go fa balekani ditaelo tša semolao goba ngwadišo e swanetše go šoma fela bjalo ka bohlatse bja go ba gona ga dikamano tše bjalo? Goba ngwadišo ga e a swanela go nyakega ka go dikamano ka moka tša balekani bao ba sa nyalanago?

2.69 Ge e le gore dikamano tša balekani ba sego ba nyalana di swanetše go ngwadišwa, ke tshedimošo efe yeo e swanetšego go nyakegago gomme ke tshepedišo efe ye kaone yeo e swanetšego go ba gona?

2.70 Ge e le gore ngwadišo ya kamano ya baratani bao ba sego ba nyalana e šoma fela bjalo ka bohlatse bja kamano, ke ditsela dife tše dingwe tšeo di swanetšego go ba gona go tiiša go ba go ba gona ga dikamano tše bjalo ka bohlatse bja dikamano tše bjalo?

2.71 Naa go na le ditaba tše dingwe tša mabapi le ngwadišo ya manyalo ao a baarabi ba ratago go bolela ka boripana seo se swanetše go tšwela pele?

H. Dipotšišo mabapi le meletlo ya manyalo le fomula ye e laeditšwego goba ye e dumeletšwego ya lenyalo.

2.77 Ka mo go kgopelo ya DHA ya nyakišišo ye e boletšwe gore mmušo ga o a swanela go ba le kgahlego ka ga ka moo meetlo ya sedumedi goba ya setšo e dirwa bjang moletlong wa lenyalo. Molao wa Lenyalo le Molao wa Kamano ya Semolao o hlagiša difomula tšeo di dirišitšwego mo nakong ya meletlo ye e itšego ya manyalo. Naa baarabi ba a dumela gomme ge go go se bjalo ka baka la eng?

2.78 Naa baarabi ba akanya gore fomula ye e laetšwego ya lenyalo e huetša ka tsela le ge e

ka ba efe go ama netefatšo ya semolao tabeng ya lenyalo leo le dirwago, ge e le gore go bjalo bjang?

I. Dipotšišo ka ga ditlamorago tša manyalo ao a lenyalo

2.86 Ge e le gore go na le thekgo molao wa lenyalo le tee goba molawana wo o akaretšago, e swanetše go hlagiša eng mabapi le thoto ya lenyalo le seo se tla bago le seabe sa yona go ya ka melao yeo e lego gona?

2.87 Naa maikutlo a baarabi mabapi le ditlamorago tša lenyalo tša manyalo ka moka le dikamano tša bao sa nyalanago di laolwa ke molao o tee wa lenyalo goba molawana wo o akaretšago?

2.88 Baarabi ba kgopelwa gape go laetša ge eba go na le taba efe goba efe yeo e amanago le thoto ba bangwe ba ditaba tše di amanago thoto ya lenyalo yeo e swanetše go elwa hloko ke SALRC.

J. Dipotšišo ka ga thekgo ya bogatša

2.100 Go dirilwe megala nakong ye e fetilego go lemoga thekgo ya bogatša le maemong ao go se nago lenyalo le le nepagetšego le ge go sa na mošomo wo o amogelwago ke molao wo o beago maikarabelo a go lefela thekgo. Molao o swanetše go lemoga maikarabelo a thekgo ya semolao ya magareng ga balekani bao ba sego a nyalana?

2.101 Naa mošomo wa thekgo le wona gape o tla lebiša go maemo ao go wona molekane yo mongwe yo a sego a nyalwa le yena a lego go kamano ya go se nyalane goba molekane yo a nyetšego/nyetšwego? SALRC e tla bona gore ditshwayotshwayo ka baarabi di a akanywa dinyakišišong tša maleba, e ka ba tekolo ya tokišo goba molao wa thoto ya lenyalo.

K. Potšišo ya mabapi le ditumelelano tša pele ga lenyalo le boikgethelo bja kgorotsheko bja go dira ditaello tša toka

2.107 Naa molao wa lenyalo le tee o swanetše go dira tlhagišo ya sephetho, ngwadišo le phethagatšo ya ditumelelano tša pele ga lenyalo?

L. Potšišo mabapi le phatlalatšo ye e sa dumelelwago semolao ya dikamano le tharollo ya thulano ditabeng tša lapa

2.114 Ka ge SALRC e dira dinyakišišo tša tharollo ya dithulano tša mabapi le lapa go molaleng gore SALRC ga e a swanela go amanya maiteko a yona eupša e swanetše go diriša methopo ya yona ka tsela ya maleba. Ge e le gore baarabi ba na le maikutlo a gore mengwa ye mengwe ya tharollo ya thulano e ka šomišwa bjang go rarolla dithulano tša ya dikgopolo ka mekgwa ye e ka dirišwa go rarolla dithulano tša molao wa malapa, ba kgopelwa go hlagiša dikgopolo tša bona go SALRC ka nepo ya gore ba elwa hloko bjalo ka karolo ya dinyakišišo tše dingwe tše di šetšego di sepedišwa ke SALRC. Ditshwaotshwao di tla hlokomelwa ka go dinyakišišo tše di tlogo ka go tšwetša pele tshwayotshwayo ya moarabi.

M. Potšišo mabapi le manyalo a bofora goba a boradia

2.120 Baarabi ba kgopelwa go akanya ka ga ka moo ditšhišinyo di ka thušago ka gona kaone go thibela manyalo a bofora le go šomana le tšona ka morago ga ge di phethilwe?